

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA

Broj: 02-02-7-2350/16  
Sarajevo, 29.12.2016. godine

**Z A P I S N I K**

**12. VANREDNE SJEDNICE DOMA NARODA PARLAMENTA FEDERACIJE BOSNE I  
HERCEGOVINE, održane 29.12.2016. godine**

Sjednica je počela u 13:30.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice, predsjedavajuća je pozdravila prisutne delegate, potpredsjednicu Federacije, Meliku Mahmutbegović, prisutne ministre, predstavnike medija, međunarodnih organizacija, udruženja i goste.

Izostanak sa sjednice opravdali su Ismet Sarajlić, Daliborka Milović i Đuro Delić.

Na osnovu evidencije Stručne službe, predsjedavajuća je konstatovala da sjednici prisustvuje 38 delegata, što čini većinu pa Dom naroda može raditi i punovažno odlučivati.

Predsjedavajuća je obavijestila delegate da je na sjednici Kolegija dogovoreno da se najprije razmatraju tačke 1. 2. i 3. iz predloženog devnog reda, zatim prijedlozi finansijskih planova vanbudžetskih fondova na koje se daje saglasnost, te nastavi prema dnevnom redu kako slijedi.

Aner Žuljević je podsjetio Dom da je članom 202. Poslovnika o radu navedeno da Budžet, u redovnom postupku, treba biti donesen u skladu sa odredbama Poslovnika o radu, te je izjavio da je Prijedlog Budžeta dostavljen po redovnom postupku u petak, čime je stvorena obaveza da se razmatra tek nakon isteka roka od deset dana. Slijedom toga, izjavio je da su amandmani podneseni van poslovničkog roka, te zatražio tumačenje člana 202. Poslovnika o radu Doma naroda.

Lidija Bradara izjavila je da sjednica nije mogla biti zakazana redovno zbog nemogućnosti da se ispoštuju rokovi, a kako je Budžet od izuzetne važnosti, bilo je neophodno sazvati vanrednu sjednicu.

Sekretar Doma naroda, Izmir Hadžiavdić, izjavio je da se situacija može prevazići tako da Dom donese posebnu odluku, na osnovu člana 202. Poslovnika, koji glasi: "U postupku za donošenje akata iz člana 201. ovog poslovnika shodno se primjenjuju odredbe ovog poslovnika za donošenje zakona, osim odredaba o rokovima, koji se utvrđuje programom rada ili posebnom odlukom Doma naroda Parlamenta Federacije."

Aner Žuljević prihvatio je odgovor sekretara i kazao da smatra da ova odluka mora biti donesena.

Predsjedavajuća Doma naroda, na osnovu rezultata glasanja, konstatovala je da je Dom naroda Parlamenta Federacije BiH, sa 32 glasa za, sedam protiv i četiri uzdržana, donio Odluku da se svi akti sa današnje sjednice razmatraju po posebnoj proceduri propisanoj članom 202. Poslovnika o radu Doma naroda.

Potom je predsjedavajuća podsjetila delegate da je Vlada Federacije dostavila Prijedlog zakona o izmjeni Zakona o doprinosima s prijedlogom da se razmatra po skraćenom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 31 glasom za, dva protiv i četiri uzdržana, prihvatio da se Prijedlog zakona o izmjeni Zakona o doprinosima razmatra po skraćenom postupku.

Budući da više nije bilo prijedloga za izmjenu i dopunu predloženog dnevnog reda, predsjedavajuća je konstatovala da je Dom naroda, sa 33 glasa za, četiri glasa protiv i tri uzdržana, usvojio sljedeći

## **DNEVNI RED**

1. Prijedlog Budžeta Federacije Bosne i Hercegovine za 2017. godinu,
2. Prijedlog zakona o izvršavanju Budžeta Federacije Bosne i Hercegovine za 2017. godinu,
3. Prijedlog zakona o dopuni Zakona o budžetima u Federaciji Bosne i Hercegovine,
4. Prijedlog finansijskog plana - Budžeta FERK-a za 2017. godinu,
5. Prijedlog odluke o davanju saglasnosti na:

Finansijski plan Federalnog zavoda za zapošljavanje za 2017. godinu i procjenu plana za 2018. i 2019. godinu i Odluku o izvršavanju finansijskog plana Federalnog zavoda za zapošljavanje za 2017. godinu,

6. a) Prijedlog odluke o davanju saglasnosti na:  
Izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2016. godinu (konsolidovani) i izmjene i dopune Finansijskog plana Federalnog fonda solidarnosti za 2016. godinu (Anex I),  
b) Prijedlog odluke o davanju saglasnosti na:  
Finansijski plan Zavoda zdravstvenog osiguranja i reosiguranja Federacije Bosne i Hercegovine za 2017. godinu (konsolidovani),  
Finansijski plan Federalnog fonda solidarnosti za 2017. godinu (Anex I) i  
Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2017. godinu
7. Prijedlog odluke o davanju saglasnosti na:  
Finansijski plan Federalnog zavoda za penzijsko i invalidsko osiguranje za 2017. godinu i Odluku o izvršavanju Finansijskog plana Federalnog zavoda za penzijsko i invalidsko osiguranje za 2017. godinu,
8. Prijedlog zakona o izmjeni Zakona o doprinosima - skraćeni postupak,
9. Prijedlog zakona o izmjenama i dopunama Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti,
10. Prijedlog zakona o izmjenama i dopunama Zakona o leasingu,
11. Prijedlog zakona o dobrovoljnim penzijskim fondovima,
12. Prijedlog zakona izmjenama i dopunama Zakona o investicijskim fondovima,
13. Prijedlog zakona izmjenama i dopunama Zakona o tržištu vrijednosnih papira,
14. Nacrt zakona o stečaju,
15. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta modernizacije cesta u Federaciji,  
Nacrt Sporazuma o zajmu između Bosne i Hercegovine i IBRD-a,  
Nacrt projektnog sporazuma između IBRD-a i Federacije Bosne i Hercegovine,  
Dokument o procjeni Projekta (PAD),  
Usaglašeni zapisnik s pregovora,  
Informacija o zaduženju po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta

modernizacije cesta u Federaciji

16. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta popravak nakon poplava i modernizacija, Ugovor o zajmu između Bosne i Hercegovine i Evropske banke za obnovu i razvoj,

Nacrt Ugovora o podršci Projekta između Federacije Bosne i Hercegovine i Evropske banke za obnovu i razvoj,

Nacrt Ugovora o implementaciji Projekta između Javnog preduzeća Ceste Federacije Bosne i Hercegovine i Evropske banke za obnovu i razvoj,

Nacrt subvencionarnog sporazuma između Bosne i Hercegovine i Federacije Bosne i Hercegovine,

Usaglašeni zapisnik s pregovora,

Informacija o kreditu Evropske banke za obnovu i razvoj (EBRD) za Projekat popravak nakon poplava i modernizacija

17. Informacija Federalnog ministarstva energije, rudarstva i industrije o aktivnostima u postupku izdavanja energetske dozvole za izgradnju vjetroelektrane "Mesihovina" privrednog društva JP Elektroprivreda HZ HB d.d. Mostar

## **1. Prijedlog Budžeta Federacije Bosne i Hercegovine za 2017. godinu**

Prijedlog Budžeta utvrdila je Vlada Federacije

Predstavnički dom je na 17. vanrednoj sjednici od 20. decembra 2016. godine usvojio Prijedlog Budžeta za 2017. godinu u tekstu kako ga je predložila Vlada Federacije. Amandmane na Prijedlog Budžeta podnijeli su: Admir Hadžipašić, Željko Mirković, Aner Žuljević, Dražen Matišić i zajednički, Aner Žuljević, Draženka Subašić i Edin Forto.

Vlada Federacije je dostavila izjašnjenje u kojem ne prihvata podnesene amandmane.

Prijedlog Budžeta je obrazložila federalna ministrica finansija, Jelka Milićević.

U raspravi su učestvovali: Slaviša Šućur, predsjednik Kluba delegata srpskog naroda, Tomislav Martinović, predsjednik Kluba delegata hrvatskog naroda, Osman Ćatić, predsjednik Kluba delegata bošnjačkog naroda, Aner Žuljević, Mirvet Beganović,

Željko Mirković, Almedin Aliefendić, koji je predložio da Dom donese Zaključak kojeg je pročitao, Admir Hadžipašić, Rasim Dostović i federalna ministrica finansija, Jelka Milićević.

Nakon rasprave, Dom je glasao o podnesenim amandmanima, budući da podnosioci nisu odustali od amandmana.

Na osnovu rezultata glasanja, predsjedavajuća je konstatovala da:

- Dom naroda Parlamenta Federacije BiH **nije usvojio** amandmane I i II koje su podnijeli Aner Žuljević, Draženka Subašić i Edin Forto, jer je za glasalo 16 delegata, 15 delegata je bilo protiv, a 11 delegata je bilo uzdržano;
- Dom naroda Parlamenta Federacije BiH **nije usvojio** amandmane I, II, III, IV i V koje je podnio Aner Žuljević, jer je za glasalo 18 delegata, 12 delegata je bilo protiv, a 13 delegata je bilo uzdržano;
- Dom naroda Parlamenta Federacije BiH **nije usvojio** amandmane koje je podnio Admir Hadžipašić, jer je za glasalo 22 delegata, 13 delegata je bilo uzdržano, a osam delegata je bilo protiv;
- Dom naroda Parlamenta Federacije BiH **nije usvojio** amandmane koje je podnio Željko Mirković, jer je za glasalo 20 delegata, 16 delegata je bilo uzdržano, a 11 delegata je bilo protiv.

Budući da je Dražen Matišić odustao od amandmana, predsjedavajuća je stavila na glasanje Prijedlog Budžeta Federacije za 2017. godinu i konstatovala da je Dom naroda, sa 32 glasa za, sedam glasova protiv i osam uzdržanih glasova, usvojio Prijedlog Budžeta Federacije za 2017. godinu.

Potom je predsjedavajuća konstatovala da je Dom naroda Parlamenta Federacije, sa 35 glasova za, jednim glasom protiv i tri uzdržana glasa, usvojio sljedeći

## **Z A K L J U Č A K**

Dom naroda Parlamenta Federacije Bosne i Hercegovine obavezuje Vladu Federacije Bosne i Hercegovine da, u prvom kvartalu 2017. godine, izvrši raspodjelu grant sredstava nižim nivoima vlasti u iznosu od 12 miliona KM, sa posebnim osvrtom na

Bosansko - podrinjski kanton Goražde, Livanjski kanton i Posavski kanton kojima su, kao i svim ostalim nivoima vlasti, ugroženi, Ustavom Federacije propisani, minimalni uslovi za funkcioniranje.

Predsjedavajuća je, zatim, konstatovala da je Dom naroda Parlamenta Federacije, sa 39 glasova za i tri uzdržana glasa, usvojio sljedeći

## **ZAKLJUČAK**

Dom naroda Parlamenta Federacije Bosne i Hercegovine traži od Vlade Federacije Bosne i Hercegovine da, prilikom donošenja Odluke o utvrđivanju kriterija raspodjele sredstava kantonima i općinama, tj. kriterija sa transfera nižim nivoima vlasti, uvaži tešku finansijsku situaciju Općine Vareš, te dodijeli najmanje jedan milion KM pomoći navedenoj općini.

### **2. Prijedlog zakona o izvršavanju Budžeta Federacije Bosne i Hercegovine za 2017. godinu**

Prijedlog zakona utvrdila je Vlada Federacije.

Predstavnički dom je na 17. vanrednoj sjednici od 20.12. 2016. godine, usvojio Prijedlog zakona o izvršavanju Budžeta Federacije Bosne i Hercegovine za 2017. godinu u tekstu kako ga je predložila Vlada Federacije.

Na Prijedlog zakona o izvršavanju Budžeta amandman je podnio delegat Đuro Delić.

Vlada Federacije je dostavila izjašnjenje kojim ne prihvata amandman.

Prijedlog zakona razmatrala su nadležna radna tijela i dostavila svoje izvještaje.

U raspravi je učestvovao Mirvet Beganović.

Budući da je Đuro Delić odustao od amandmana, predsjedavajuća je stavila na glasanje Prijedlog zakona o izvršavanju Budžeta Federacije za 2017. godinu

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine sa 30 glasova za, tri uzdržana glasa i i šest glasova protiv, usvojio Prijedlog zakona o izvršavanju Budžeta Federacije Bosne i Hercegovine za 2017. godinu.

### **3. Prijedlog zakona o dopuni Zakona o budžetima u Federaciji Bosne i Hercegovine**

Prijedlog zakona utvrdila je Vlada Federacije.

Predstavnički dom je na 17. vanrednoj sjednici od 20.12. 2016. godine, usvojio Prijedlog zakona o dopuni Zakona o budžetima u Federaciji Bosne i Hercegovine u tekstu kako ga je predložila Vlada Federacije.

Na Prijedlog zakona amandman je podnio Aner Žuljević.

Vlada Federacije je dostavila izjašnjenje kojim ne prihvata amandman.

Prijedlog zakona razmatrala su nadležna radna tijela i dostavila svoje izvještaje.

U raspravi su učestvovali: Aner Žuljević, Đuro Prkačin, Slaviša Šućur, Muhamed Kozadra i Tomislav Martinović.

Nakon rasprave, delegati su glasali o amandmanu Anera Žuljevića, budući da delegat Žuljević nije odustao od amandmana.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH **nije usvojio** amandman, jer je za glasalo 14 delegata, osam delegata je bilo protiv, a 16 delegata je bilo uzdržano.

Dom je, zatim, glasao o Prijedlogu zakona.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 33 glasa za, tri uzdržana glasa i dva glasa protiv, usvojio Prijedlog zakona o dopuni Zakona o budžetima u Federaciji Bosne i Hercegovine.

Na kraju je odlučeno da se izvod iz transkripta u vezi ove tačke, dostavi Vladi Federacije kao Inicijativa za usklađivanje Zakona o budžetima u Federaciji BiH sa Zakonom o principima jedinica lokalne samouprave.

#### **4. Prijedlog finansijskog plana - Budžeta FERK-a za 2017. godinu**

Regulatorna komisija za energiju u Federaciji BiH dostavila je Parlamentu Federacije Bosne i Hercegovine Prijedlog Finansijskog plana (Budžeta) FERK-a za 2017. godinu.

Predstavnički dom Parlamenta Federacije je na 14. sjednici, održanoj 14.12. 2016. godine, usvojio Prijedlog Finansijskog plana - Budžeta FERK-a za 2017. godinu.

Ovaj materijal razmatrala su nadležna radna tijela i dostavila svoje izvještaje.

U raspravi je učestvovao Slaviša Šućur, predsjednik Kluba delegata srpskog naroda

Na osnovu rezultata glasanja, predsjedavajuća je konstatovala da je Dom naroda, sa 34 glasa za i jednim uzdržanim glasom, usvojio sljedeći

## ZAKLJUČAK

Dom naroda Parlamenta Federacije BiH usvaja Prijedlog Finansijskog plana - Budžeta FERK-a za 2017. godinu.

### 5. Prijedlog odluke o davanju saglasnosti na:

**Finansijski plan Federalnog zavoda za zapošljavanje za 2017. godinu i procjena plana za 2018. i 2019.godinu, i**

**Odluku o izvršavanju finansijskog plana Federalnog zavoda za zapošljavanje za 2017. godinu**

Prijedlog odluke je dostavila Vlada Federacije radi razmatranja i davanja saglasnosti.

Predstavnički dom je na 17. vanrednoj sjednici od 20.12.2016. godine, donio Odluku o davanju saglasnosti na Finansijski plan Federalnog zavoda za zapošljavanje za 2017. godinu i procjenu plana za 2018. i 2019. godinu i na Odluku o izvršavanju finansijskog plana Federalnog zavoda za zapošljavanje za 2017. godinu

Materijal su razmatrala nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 31 glasom za i dva uzdržana glasa, donio Odluku o davanju saglasnosti na Finansijski plan Federalnog zavoda za zapošljavanje za 2017. godinu i procjenu plana za 2018. i 2019.godinu i na Odluku o izvršavanju finansijskog plana Federalnog zavoda za zapošljavanje za 2017. godinu.

### 6. a) Prijedlog odluke o davanju saglasnosti na:

**Izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2016. godinu (konsolidovani) i izmjene i dopune Finansijskog plana Federalnog fonda solidarnosti za 2016. godinu (Anex I)**

### b) Prijedlog odluke o davanju saglasnosti na:

**Finansijski plan Zavoda zdravstvenog osiguranja i reosiguranja Federacije Bosne i Hercegovine za 2017. godinu (konsolidovani),**

**Finansijski plan Federalnog fonda solidarnosti za 2017. godinu (Anex I) i**

**Odluku o načinu izvršavanja Finasijskog plana Zavoda zdravstvenog osiguranja i reosiguranja Federacije Bosne i Hercegovine za 2017. godinu**

Prijedlog odluke je dostavila Vlada Federacije radi razmatranja i davanja saglasnosti.



Predstavnički dom je na 17. vanrednoj sjednici od 20.12. 2016. godine, donio Odluku o davanju saglasnosti na Izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2016. godinu (konsolidovani) i izmjene i dopune Finansijskog plana Federalnog fonda solidarnosti za 2016. godinu (Anex I).

Također, Predstavnički dom je na 17. vanrednoj sjednici od 20.12. 2016. godine, donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2017. godinu (konsolidovani), Finansijski plan Federalnog fonda solidarnosti za 2017. godinu (Anex I) i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2017. godinu

Ove materijale razmatrala su nadležna radna tijela i svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 31 glasom za i jednim uzdržanim glasom, donio Odluku o davanju suglasnosti na Izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2016. godinu (konsolidovani) i Izmjene i dopune Finansijskog plana Federalnog fonda solidarnosti za 2016. godinu (Anex I).

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 32 glasa za i dva uzdržana glasa, donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2017. godinu (konsolidovani), Finansijski plan Federalnog fonda solidarnosti za 2017. godinu (Anex I) i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2017. godinu.

## **7. Prijedlog odluke o davanju saglasnosti na:**

**Finansijski plan Federalnog zavoda za penzijsko i invalidsko osiguranje za 2017. godinu i Odluku o izvršavanju Finansijskog plana Federalnog zavoda za penzijsko i invalidsko osiguranje za 2017. godinu**

Prijedlog odluke je utvrdila Vlada Federacije i dostavila Parlamentu Federacije radi razmatranja i davanja saglasnosti.

Naknadno, Vlada Federacije je dostavila Ispravku Finansijskog plana.

Predstavnički dom je na 17. vanrednoj sjednici od 20.12. 2016. godine donio Odluku o davanju saglasnosti na Finansijski plan Federalnog zavoda za penzijsko i invalidsko

osiguranje za 2017. godinu i Odluku o izvršavanju Finansijskog plana Federalnog zavoda za penzijsko i invalidsko osiguranje za 2017. godinu.

Materijal su razmatrala nadležna radna tijela i dostavila svoje izvještaje.

Plan je obrazložio Zijad Krnjić, direktor Zavoda

U raspravi je učestvovao Aner Žuljević.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, sa 32 glasa za i jednim uzdržanim glasom, donio Odluku o davanju saglasnosti na Finansijski plan Federalnog zavoda za penzijsko i invalidsko osiguranje za 2017. godinu i Odluku o izvršavanju Finansijskog plana Federalnog zavoda za penzijsko i invalidsko osiguranje za 2017. godinu.

### **8. Prijedlog zakona o izmjeni Zakona o doprinosima – skraćeni postupak**

Prijedlog zakona je utvrdila Vlada Federacije.

Predstavnički dom je na 13. sjednici od 13.12. 2016. godine usvojio Prijedlog zakona o izmjeni Zakona o doprinosima uz tehničku ispravku koja je postala sastavni dio Prijedloga zakona:

- U članu 1. broj „12“ zamjenjuje se brojem „24“ tako da umjesto riječi: „12 mjeseci“ trebaju stajati riječi: „24 mjeseca“.

Prijedlog zakona razmatrala su nadležna radna tijela i dostavila svoje izvještaje.

Prijedlog zakona je obrazložila federalna ministrica finansija, Jelka Milićević.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 34 glasa za, usvojio Prijedlog zakona o izmjeni Zakona o doprinosima.

### **9. Prijedlog zakona o izmjenama i dopunama Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti**

Predsjedavajuća je podsjetila delegate da je Predstavnički dom u nastavku 9. sjednice od 23.3.2016. godine, usvojio Prijedlog zakona o izmjenama i dopunama Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti sa Amandmanom koji Vlada Federacije nije prihvatila, ali ga je Predstavnički dom izglasao. Ovaj prijedlog zakona dostavljen je u februaru 2016. godine.

Dom naroda je na 11. sjednici od 31.3.2016. godine razmatrao Prijedlog ovog zakona u formi Nacrta i Zaključkom ga prihvatio.

Nakon toga, Vlada Federacije je u junu 2016. godine dostavila Domu naroda **novi tekst** Prijedloga zakona o izmjenama i dopunama Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti, radi razmatranja i usvajanja.

Prijedlog zakona razmatrala su nadležna radna tijela i dostavila svoje izvještaje.

Prijedlog zakona je obrazložila federalna ministrica finansija, Jelka Milićević.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 33 glasa za i jednim glasom protiv, usvojio Prijedlog zakona o izmjenama i dopunama Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti.

## **10. Prijedlog zakona o izmjenama i dopunama Zakona o leasingu**

Prijedlog zakona utvrdila je Vlada Federacije.

Predstavnički dom obavijestio je Dom naroda da je na 14. sjednici održanoj 14.12.2016. godine, usvojio Prijedlog zakona o izmjenama i dopunama Zakona o leasingu u tekstu kako ga je predložila Vlada Federacije.

Prijedlog zakona razmatrala su nadležna radna tijela, koja su dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 32 glasa za, usvojio Prijedlog zakona o izmjenama i dopunama Zakona o leasingu.

## **11. Prijedlog zakona o dobrovoljnim penzijskim fondovima**

Prijedlog zakona utvrdila je Vlada Federacije.

Predstavnički dom je na 13. sjednici održanoj 13.12.2016. godine usvojio Prijedlog zakona o dobrovoljnim penzijskim fondovima u tekstu kako ga je predložila Vlada Federacije.

Prijedlog zakona razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 31 glasom za i četiri glasa protiv, usvojio Prijedlog zakona o dobrovoljnim penzijskim fondovima

## **12. Prijedlog zakona izmjenama i dopunama Zakona o investicijskim fondovima**

Prijedlog zakona utvrdila je Vlada Federacije.

Prijedlog zakona razmatrala su nadležna radna tijela i dostavila svoje izvještaje..

Prijedlog zakona je obrazložila federalna ministrica finansija, Jelka Milićević.

U raspravi nije niko učestvovao.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, sa 32 glasa za, usvojio Prijedlog zakona izmjenama i dopunama Zakona o investicijskim fondovima

## **13. Prijedlog zakona o izmjenama i dopunama Zakona o tržištu vrijednosnih papira**

Prijedlog zakona utvrdila je Vlada Federacije.

Prijedlog zakona razmatrala su nadležna radna tijela i dostavila svoje izvještaje..

Prijedlog zakona je obrazložila federalna ministrica finansija, Jelka Milićević.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 36 glasova za, usvojio Prijedlog zakona izmjenama i dopunama Zakona o tržištu vrijednosnih papira.

## **14. Nacrt zakona o stečaju**

Nacrt zakona utvrdila je Vlada Federacije.

Predstavnički dom je na 13. sjednici održanoj 13.12. 2016. godine razmatrao Nacrt zakona o stečaju i Zaključkom ga prihvatio. Tom prilikom ovaj Zakon je stavljen na javnu raspravu.

Nacrt zakona razmatrala su nadležna radna tijela i dostavila svoje izvještaje.

Nacrt zakona je obrazložio Mato Jozić, federalni ministar pravde.

U raspravi su učestvovali: Aner Žuljević i Osman Ćatić.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine sa 33 glasa za, jednim uzdržanim glasom i četiri glasa protiv, usvojio sljedeći

## ZAKLJUČAK

1. Dom naroda Parlamenta Federacije Bosne i Hercegovine **prihvata** Nacrt zakona o stečaju i smatra da može poslužiti kao osnov za izradu Prijedloga zakona.
2. Zadužuje se predlagač da organizira i provede javnu raspravu u trajanju od 45 dana.
3. Zadužuje se Vlada Federacije da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda kao i one iznesene u javnoj raspravi.

### **15. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta modernizacije cesta u Federaciji BiH**

Prijedlog odluke utvrdila je Vlada Federacije i dostavila je, sa popratnim materijalima, Parlamentu Federacije radi razmatranja i donošenja.

Predstavnički dom je na 14. sjednici, održanoj 14.12. 2016. godine, donio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta modernizacije cesta u Federaciji BiH.

Prijedlog odluke razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 32 glasa za, dva glasa protiv i tri uzdržana, glasa donio Odluku o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta modernizacije cesta u Federaciji BiH.

## **16. Prijedlog odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta popravak nakon poplava i modernizacija**

Prijedlog odluke utvrdila je Vlada Federacije i dostavila je sa popratnim materijalima Parlamentu Federacije radi razmatranja i donošenja.

Predstavnički dom je obavijestio Dom naroda da je na 14. sjednici održanoj 14.12. 2016. godine, donio Odluku o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta popravak nakon poplava i modernizacija.

Prijedlog odluke razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 31 glasom za i četiri uzdržana glasa, donio Odluku o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta popravak nakon poplava i modernizacija.

## **17. Informacija Federalnog ministarstva energije, rudarstva i industrije o aktivnostima u postupku izdavanja energetske dozvole za izgradnju vjetroelektrane "Mesihovina" privrednog društva JP Elektroprivreda HZ HB d.d. Mostar**

Informaciju je dostavila Vlada Federacije radi informiranja.

Također Vlada Federacije dostavila je i Prijedlog zaključka radi razmatranja i davanja saglasnosti.

Predstavnički dom je na 15. sjednici održanoj 15.12. 2016. Godine, donio Zaključak o davanju prethodne saglasnosti u postupku izdavanja Energetske dozvole privrednom društvu Javno preduzeće Elektroprivreda HZ HB d.d. Mostar.

Informaciju su razmatrala nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 36 glasova za, usvojio sljedeći

### **ZAKLJUČAK**

**o davanju prethodne saglasnosti u postupku izdavanja Energetske dozvole  
privrednom društvu Javno preduzeće Elektroprivreda HZ HB d.d. Mostar**

**I**

Dom naroda Parlament Federacije Bosne i Hercegovine daje prethodnu saglasnost Federalnom ministarstvu energije, rudarstva i industrije u postupku izdavanja Energetske dozvole, privrednom društvu Javno preduzeće Elektroprivreda HZ HB d.d. Mostar, za izgradnju vjetroelektrane VE Mesihovina, instalirane nazivne snage 50,6 MW (22x2,3MW), odobrene snage priključenja 50,6 MW (22x2,3 MW), planirane godišnje proizvodnje električne energije od 165,15 GWh, koja se planira graditi na širem lokalitetu zaravni Mideni - Gornji Brišnik, na području općine Tomislavgrad.

**II**

Zadužuje se Federalno ministarstvo energije, rudarstva i industrije da pristupi aktivnostima iz člana 23. st. (4), (5), (6) i (7) i člana 24. Uredbe o postupku, kriterijumima, formi i sadržaju zahtjeva za izdavanje energetske dozvole za izgradnju novih i rekonstruiranje postojećih proizvodnih postrojenja („Službene novine Federacije BiH“, broj 27/14), na izdavanju Energetske dozvole iz tačke I ovog zaključka.

**III**

Ovaj zaključak stupa na snagu narednog dana od dana objave u „Službenim novinama Federacije BiH“.

Na kraju sjednice, predsjedavajuća je prisutnima poželjela sreću u Novoj godini, a pripadnicima katoličke i pravoslavne vjeroispovijesti čestitala je Božić.

Sjednica je završena u 16:10.

\* \* \*

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAJUĆA

Lidija Bradara